

Nimenimoch





Semom won Nang mi tongek me a mochen pwe
Kopwe pwapwa ikenai pwan fenfeino. A ngeni
kapasen fon me annuk ngeni Noun kewe soufos ne
anisuk. Eu annuk mi namwot ngeni om kimamwe me
pwapwa An we annuk mi poraus usun nisou mwan, a
iteni ewe annuken nimenimoch. Ewe Samon mi forata
ei annuk seni nopoputan, me A pesei ngeni ewe Soufos
Joseph Smith usun auchean non ewe Niwinsefanito an
ewe kapas allimen Jises Kraist. Mi namwot epwe wor
aneasochis ngeni ei annuk ika emon epwe papatais non
Ewe Mwichifenin Jises Kraist ren Aramas mi Pin non
Fansoun Soponon.

Met ewe Annuken Nimenimoch?

Fofforen nisou nefinen emon mwan me emon fefin mi apupunu mi eu kinikin non an Kot we kokkot fan itan Noun kewe semerit mi ning me a pwan pin. A eu fofforan tong ngeni chon apupunu me a mut ngeni ewe mwan me ewe fefin mi pupunu ne fiti non ewe foratan


*Ewe annuken
nimenimoch mi
anamwota pwe nisou
epwe chok fis nefinen
chon apupunu emon
mwan me emon fefin.*

manau. Kot mi annuk pwe ei manaman mi pin epwe chok nom nefinen emon mwan me emon fefin ion mi fori ewe apupunu mi pung. Ewe annuken nimenimoch mi fich ngeni ekkewe mwan pwan ekkewe fefin. Mi wewen pwe ese fokkun wor fofforan nisou me mwen apupunu me kosap nisou ngeni pwan emon

me nukun punuom mwirin apupunu.

Fiti fengen me ach witiwit ne fiti angangen nisou tori fansoun ach apupunu, sia pwan aneasochis ewe annuken nimenimoch nupwen sia tumunu ach kewe ekiek, kapas, me fofor. Jises Kraist mi aiti, “Oua fen rong met a fen apasa, ‘Kosap nisou.’ Nge upwe ereni kemi: are emon mwan epwe nengeni emon fefin o mocheniaiti inisin a fen tipisin nisou ngeni ewe fefin non netipan” (Matthew 5:27–28).





Pwata Upwe Apwonueta ewe Annuken Nimenimoch?

Semom won Nang a ngonuk ewe annuken nimenimoch pwe epwe tumunuk me efeiochuk. Usun meinisin ekkewe mettoch mi pin, fofforun nisou epwe fis fan emwenien Kot. Ren om aneasochisi ewe annuken nimenimoch, kopwe mefi pwapwa, kinamwe, me pwisin sufonituk. Kopwe mefi nuku me tipetipoch ren om famini, me kopwe feioch ren pwisin nemenem. Kopwe mefi ekkewe feiochun ewe kapas allimen Jises Kraist ren manamanen ewe Ngun mi Fel. Setan mi emweni aramas ne ekieki pwe ese wor ngaun me mi och ne nisou nukun apupunu. Nge mi fokkun watte tipis, fansoun meinisin Kot mi aiti Noun kewe semerit pwe repwe tupwen me nimenimoch (nengeni Exodus 20:14 me Alma 39:3–5). Ei nongonong mi nom fochofoch.

Atainon ewe annuken nimenimoch mi eu pupungawan an Kot manaman i a ngeni kich ne forata manau; a pwar an emon ese pwan ekieki usun I me Noun kewe. A efeingaua ewe ngun me a pwan emwen ngeni song, netipangau, kaimufesan, semwen, me nieno monukan

*N*upwen ka manaueni ewe annuken nimenimoch, kopwe:

- *Etiwa ewe Ngun mi Fel non manauom.*
- *Awatteno om pwisin sufon ren om aea pwisin nemenem.*
- *Awatteno om nuku ren chienom kewe.*
- *Awatteno om tong ngeni ekkewe aramas mi kan ngonuk.*

me mwen a uputiw. Ion mi atai ei annuk mi tongeni nom fan pochokunen Setan. Ei tipis mi pwan efeingaua chon ewe famini me pwan ekkoch.

Ifa Usun Upwe Apwonueta ewe Annuken Nimenimoch?

Kot mi anamwota eu manauen nimenimoch mi tekia ren Noun kewe. Ne apwonueta ewe annuken nimenimoch, kopwe siwini ekkewe ekiem mi ngau, kapas, me foffor ren mettoch mi murino. Ekkei nongonong epwe anisuk:

Mut ngeni nimenimoch
epwe eningano om
ekiek fansosun meinisin.
Iwe om pwar
epwe pochokuneno
fan mesan Kot.

D&C 121:45

Ekiem. Ekiem mi och epwe asueno ekkewe ekiem mi ngau me nimengau seni manauom. Ika manauom mi uren ekkewe ekiem me foffor mi och, kopwe marita non om tufich ne siwini me pworacho ekkewe ekiem mi ngau. Anneani ekkewe pukfel, anisi om famini, tiniken non om angang, me fiti ekkewe mwokutokut mi

och epwe anisuk ne tumunu om kewe ekiem.

Su seni sasingin are kachiton aramas mi seneno non napanap meinisin. Mi eu mettoch mi weires ne poutano me a tatakis. Epwe sonani om pwinisin sufon me eu aucheanin ekkewe mettoch mi ning non manau. Kosap mut ngeni tupuwom pwe epwe ekiem tam won eu ekiem ika sasing mi wesen ngau me nimengau. Kosap nengeni, anneani, are ausening ngeni och mettoch mi pwar





ika kapas usun ewe inisin aramas are fofforun nisou ren napanapingaw. Kosap pwan nengeni aramas ne mocheniaitir, me kosap katon kacheto, tv, computer, kon, puk, me foffor mi awewe mettoch mi ngau ika pwar mettoch mi ngau.

Kapas. Mut ngeni om kapas pwe repwe ekieta aramas me apochokuner. Poutano kapasen urumot, me itenapen om kapas mi efeingau, nimengau, me poraus usun nisou.

Fofor. Sufoniti aramas fansoun meinisin. Kopwe tumunu ufoum pwe ete pwarano inisum. Ika ka chechemeni pwe iteitani aramas meinisin a emon noun Kot, me ika kopwe fori mettoch meinisin ne anisi aramas ne tapweno An kokkot, iwe kopwe awatteno om mochen ne apwonueta ewe annuken nimenimoch.

Finata iei pwe kosap fori och mettoch me nukun om apupunu ne awora ekkewe memef mi pochokun mi chok fich nefinen ruemon mi apupunu. Kosap awora ekkei memef non pwan emon are non pwisin en. Kosap fiti non nisou ren emon mwan me pwan emon mwan are emon fefin ren emon fefin ika pwan ekkoch fofforungau. Siwini foffor nupwen ka tongeni nom fan ewe sosot ne atai ewe annuken nimenimoch ren foffor me uroumot mi apochokunok. Non apupunu, kopwe wesen nukuchar ngeni punuom non ekiek me fofor.

Pokitan nupwen ka manaueni ewe annuken nimenimoch ka arap ngeni Kot, Setan epwe sotunuk ne atai ei annuk. I a sinei nupwen ka mefi akkanemon,

osukosuk, ika netipengau, me i epwe sotunuk nupwen ka apwangapwang. Iotek ngeni Semom won Nang ren aninis, me I epwe ngonuk ewe pochokun ne su seni sosot (nengeni 1 Corinth 10:13). Ren om anonga won I me om tapweno mwirin ekkei nongonong, kopwe tongeni pworacho ngeni sosot.

Feioch seni Manauenin ewe Annuken Nimenimoch

Ren om manauenin ewe annuken nimenimoch, epwe awora ewe tufich ne nom fan pochokunen ewe Ngun mi Fel. Ren emwen seni ewe Ngun mi Fel, kopwe angei mirit mi nap, pworacho ngeni ekkewe osukosuk ren pochokun, mefi an Kot aninis me emwen non manauom, me winiti eu nenien appiru ngeni om famini me pwan ekkoch. Ewe tong ngeni punuom me ekkewe ka tongei epwe wattenno, pochokuneno, me weweiochu. Kopwe awattenno kinamwen om ekiek.



*Ese nifinifin met ka
fen for me nom, watte
feioch mi nom fan itom
ika kopwe poputa ne
manaueni ewe annuken
nimenimoch iei.*

Non ekkewe pukfel sia kaeo pwe ennetin pwapwa mi feito seni aneasochisin ekkewe annuken Kot (nengeni Mosaia 2:41) pwan pwe “esap tongeni an epwe tipis ngeni pwapwa” (Alma 41:10).

Ika ka atai ewe annuken nimenimoch, Kot a awora ewe tufich pwe kopwe tongeni aier me

winiti nimenimoch sefan. Aier iei seni ekkewe tipisin nom, me pwon ne manueni ei annuk mi pin. Ren ewe Achasefanin Jises Kraist me ennetin aier, ka tongeni museno me mefi kinamwe.

PWAN OCH NE KAEO NGENI

Ekkei kapas eis me wokisen repwe anisuk ne anapeno om kaeo usun ekkewe nongonong non ei puk. Ekkewe minen esinisin non ekkewe pukfel repwe emwenuk ngeni pwan ekkoch wokisin me minen aninis usun ekkei nongonong.

Met wewen apwonueta ewe annuken nimenimoch? Pwata ei annuk mi auchea?

Exodus 20:14 (Paipen, Testamen Noom)

Proverbs 6:27–32 (Paipen, Testamen Noom)

Titus 2:11–12 (Paipen, Testamen Sofo)

Alma 39:3–5 (Puken Mormon, peich 000[306])

3 Nifai 12:27–30 (Puken Mormon, peich 000[432]; pwan nengeni Matthew 5:27–30 non ewe Testamen Sofo)

“An ewe Famini: Esinesin ngeni ei Fonufan” (Ekkewe miseneri ika emon chon ewe Mwichafen mi tongeni anisuk ne angei ei taropwe me *True to the Faith* me *Fan itan Pochokunen Serafo*, mi nom fan. Ka pwan tongeni kuner won internet www.mormon.org.)

“Nimenimoch” *True to the Faith*

Ifa usun upwe tongeni angei ewe pochokun ne apwonueta ewe annuken nimenimoch?

1 Corinth 10:13 (Paipel, Testamen Sofo)

Mosiah 4:29–30 (Puken Mormon, peich 000[157])

Alma 38:12 (Puken Mormon, peich 000[305])

Fan itan Pochokunen Serafo puk

Met Upwe Fori?

- Sopweno ne anneani ewe Puken Mormon.
Mi och kopwe anneani: _____



- Manaueni ewe annuken nimenimoch. Iotek ne angei aninis ne apwonueta ei annuk.

- Fiti fan won ei Raninfel.

- Sopweno ne ammonata pwe kopwe papatais.
Ranin Papatais: _____

- Nengeni www.mormon.org pwe kopwe kaeo usun Ewe Mwichefenin Jises Kraist ren Aramas mi Pin non Fansoun Soponon.

- Sopweno ne chufengen ren ekkewe misineri ne kaeo usun ewe kapas allim a niwinsefan.

Raninach chusefan: _____

Iten ekkewe misineri me nampan nour we fon:

EWE MWICHEFENIN
JISES KRAIST
REN ARAMAS MI PIN NON
FANSOUN SOPONON

www.mormon.org

Esinnan Chon Fori Sasing

Apponun me mwan, Chungānin Hear Ye Him, seni Simon Dewey. © Simon Dewey
Peich 6, The Savior, seni Del Parson. © Del Parson

© 2012 seni Intellectual Reserve, Inc. Meinsin pung mi kawor. Mi for non Merika. Kapungunon non fosun Merika: 11/05.
Kapunguno chiakun: 11/05. Chiakun Chastity. Chuukese. 01147 901

CHUUKESE



4 02011 47901 9

01147 901